

02 無拚，呔會知影輸贏

孫翊倫

人的一生會挂著足濟無順序的時陣，凡勢是讀冊成績、事業失敗等等。設使你艱苦甲袂食袂睏，甚至想講人生已經無希望矣，按呢小等一下，請你著愛斟酌聽，聽完嘛莫袂記得予我嘆仔聲。

我自出世規身軀攏有各樣，跤手仔挽經無法度行路、龍骨彎曲、胸坎雞胸、生做細粒子閣飼袂大……。醫生共阮阿爸佻阿母講，我有可能會曲去，個聽一下隨楞去，嘛足驚惶。「哪會按呢？頂世人敢有做啥物失德代？」

落尾我到今閣會食會睏、會讀冊，不過過龍骨砵著心臟，年歲那大嘛那來那喘，不時頭眩目暗。阮爸毋誠無簡單共我最養大漢，雖罔佇足濟所在挂著困難，個毋但無放棄，閣用心陪伴，實在足感恩。我準備欲讀冊的時，厝裡干焦靠阿爸一个人咧趁食，日子足歹過，看佗一間學校欲收我，阮著愛稅厝稅到遐。學校攏無欲予我讀，較好聽的是講，驚個若有失覺察會害我著傷，其實是活欲驚死，驚個愛擔責任。

佇我的性命內底，無完全是稜的、碰壁的。自細漢我對臺灣台語毋但有興趣，閣會參加這個項目的比賽，佳哉攏有著等，無予爸毋的辛苦無彩工。我國校的導師對我有

夠疼痛，引炁我佻阿母莫閣遐負面，萬項代誌攏愛先想看得按怎解決，準講攏想對稜的去，嘛干焦加操煩的爾爾。佇國校出業進前，就因為老師鬥相共、同學相侷，我才會得著「總統教育獎」。對我來講，毋但是著獎咧歡喜，嘛予我閣較有自信。便若是著的，就愛「無遺憾袂撤退，勇敢行到底」。

我的人生我家已扞，雖罔坎坎坷，毋過我知影，若無殘殘拚一擺，永遠都無成功的機會。嘛多謝阿爸佻阿母用心晟養，無共我放揀，予我會使無煩無惱平安過日子，閣通發揮我的專長佻搜揣興趣。個干焦愛我認真讀冊，賭的予個去操煩就好。

「無拚，呔會知影輸贏？」這句話，一世人我攏會記牢牢。咱攏咧學習，免驚做毋著，干焦驚你毋敢做爾爾。